



Broj: 05-04-20-650-4/25
Maglaj, 17.03.2025. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-650-2/25 od 17.03.2025. godine, u postupku javne nabavke „Stručno orezivanje stabala u skladu sa Elaboratom 'Analiza zdravstvenog stanja stabala u drvodredima u ulicama Aleja ljiljana i Viteška, općina Maglaj“, Općinski načelnik donosi

ODLUKU

o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci usluga stručnog orezivanja stabala u skladu sa Elaboratom „Analiza zdravstvenog stanja stabala u drvodredima u ulicama Aleja ljiljana i Viteška, općina Maglaj“ dodjeljuje se ponuđaču „Green Servis“ d.o.o. Sarajevo, u skladu sa ponudom 06-03-03/25 od 06.03.2025. godine, po ukupnoj cijeni od 42.735,04 KM bez PDV-a, odnosno 50.000,00 KM sa uračunatim PDV-om.

II

Ponuđač iz tačke I se oslobađa obaveze dostavljanja dokumentacije koja je tenderskom dokumentacijom određena kao dokumentacija koju dostavlja izabrani ponuđač, budući da je istu dostavio uz ponudu.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-650/25 od 03.03.2025. godine, pokrenut je postupak javne nabavke „Stručno orezivanje stabala u skladu sa Elaboratom 'Analiza zdravstvenog stanja stabala u drvodredima u ulicama Aleja ljiljana i Viteška, općina Maglaj“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-2-5-3-11/25 od 03.03.2025. godine. Sažetak obavještenja o nabavci objavljen je u „Službenom glasniku BiH“, broj 13/25.

Procijenjena vrijednost nabavke je 42.735,04 KM bez PDV-a, odnosno 50.000,00 KM sa PDV-om, a kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukama br. 05-45-1-874/24 od 22.05.2024. godine i 05-45-1-874-1/24 od 12.09.2024. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene dvije ponude, prema redosljedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Arborist BL” Danijel Šurlan s.p. Banja Luka	Ivana Milutinovića 11, Banja Luka	13.03.2025. 08,02h	2157
2.	“Green Servis” d.o.o. Sarajevo	Mahmuta Bušatlije br.2, Sarajevo	13.03.2025. 13,03h	2208

Neblagovremenih ponuda nije bilo.

Zaprimljene ponude su prihvatljive prema formi, obliku i potpunosti, odnosno dostavljene su u zatvorenoj koverti, na kojoj su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, provjeravajući da li dostavljene ponude ispunjavaju zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Komisija je utvrdila da ponuđač “Arborist BL” Danijel Šurlan s.p. Banja Luka ne ispunjava tražene kvalifikacije koji se odnose na tehničku i profesionalnu sposobnost. Naime, tačka 3.4.2. tenderske dokumentacije propisuje da su ponuđači dužni dostaviti spisak ugovora izvršenih u prethodnih pet godina (računajući od dana dostavljanja ponude) ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od pet godina, koji su za predmet imali usluge orezivanja stabala, uz potvrdu druge ugovorne strane (potvrde mogu biti i u običnoj kopiji). Isti zahtjev je ponovljen i u tački 4.1.1. tenderske dokumentacije, gdje se navodi šta ponuda mora najmanje sadržavati.

Ovakav zahtjev ima svoje utemeljenje u odredbi člana 48. stav (2) Zakona o javnim nabavkama, kojom je propisano:

„Ako ugovorni organ zahtijeva dokaz o uredno izvršenim ugovorima, taj dokaz podnosi se u formi spiska izvršenih ugovora uz potvrdu koju daje druga ugovorna strana o njihovoj realizaciji. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.“

S obzirom da je imenovani ponuđač je u svojoj ponudi dostavio samo spisak ugovora, bez potvrda druge ugovorne strane, što nije u skladu sa zahtjevima iz tenderske dokumentacije, Komisija je njegovu ponudu ocijenila neprihvatljivom i, kao takvu, je odbacila.

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku usluga stručnog orezivanja stabala u skladu sa Elaboratom „Analiza zdravstvenog stanja stabala u drvodredima u ulicama Aleja ljiljana i Viteška, općina Maglaj“ dodijeli ponuđaču „Green Servis“ d.o.o. Sarajevo. Preporuka je, zajedno sa izvještajem o radu Komisije, dostavljena rukovodiocu ugovornog organa 17.03.2025. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

Maid

